



GRAD TUZLA

Na osnovu tačke VI Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području grada Tuzle („Službeni glasnik Grada Tuzla“, broj: 2/19 i 8/21), tačke 9. Programa utroška sredstava iz Budžeta Grada Tuzle za 2024. godinu namijenjenih za podršku privatnim preduzećima i poduzetnicima po Projektu „Siguran start“, broj: 04-11-A-11204-2024, od 23.7.2024. godine, Služba za ekonomski razvoj, poduzetništvo i poljoprivredu Grada Tuzle, **dana 24.7.2024. godine, objavljuje:**

JAVNI POZIV

za učešće u programu raspodjele sredstava iz Budžeta Grada Tuzle za 2024. godinu namijenjenih za podršku privatnim preduzećima i poduzetnicima po Projektu: “Siguran start”

I Predmet Javnog poziva

Ovaj Javni poziv namijenjen je samostalnim poduzetničkim djelatnostima registrovanim kod nadležnog organa Grada Tuzle u osnovnom zanimanju i privrednih društava registrovanih na području grada Tuzle, s ciljem prijave radi učešća u raspodjeli sredstava planiranih u Budžetu Grada Tuzle za 2024. godinu za podršku subjekata registrovanih u 2024. i 2023. godini.

Prema tome, putem ovog Javnog poziva, po Projektu „Siguran start“, otvorene su dvije linije podrške i to:

- 1. Podrška za samostalne poduzetničke djelatnosti u osnovnom zanimanju i za privredna društva novoregistrovana u tekućoj 2024. godini na području grada Tuzle.**
- 2. Podrška za samostalne poduzetničke djelatnosti u osnovnom zanimanju i privredna društva registrovana u 2023. godini na području grada Tuzle.**

II Oblici i iznos novčane podrške

Za raspodjelu putem ovog Javnog poziva u Budžetu Grada Tuzle za 2024. godinu planirana su sredstva u iznosu od 335.000,00 KM.

Sredstva iz prethodnog stava dodijelit će se korisnicima za sljedeće oblike podrške:

II -1. Oblici podrške na koje se mogu prijaviti subjekti novoregistrovani u 2024. godini na području grada Tuzle:

- a) Refundiranje/finansiranje troškova obaveznih doprinosa za PiO i zdravstveno osiguranje i osiguranje od nezaposlenosti za vlasnika registrovane samostalne poduzetničke djelatnosti u tekućoj 2024. godini, za period od registracije pa do 31.12.2024. godine, a najviše do **2.000,00 KM**.
- b) Sufinansiranje nabavke neophodne opreme i sredstava za rad registrovanog subjekta, u visini do 49% vrijednosti nabavljene opreme, a najviše do **2.000,00 KM**, za samostalnu poduzetničku djelatnost ili privredno društvo registrovano u tekućoj 2024. godini. Nabavljena sredstva ili oprema mora biti nova odnosno nekorištena.
- c) Sufinansiranje do 50% troškova zakupa poslovnog prostora u kojem subjekt obavlja registrovanu djelatnost, za period do 31.12.2024. godine, a najviše do **2.000,00 KM**, za samostalnu poduzetničku djelatnost ili privredno društvo registrovano u 2024. godini.
- d) Sufinansiranje/finansiranje troškova ugovorenih poslovnih usluga (računovodstvenih, pravnih, usluga marketinga, informatičkih, finansijskih i sl.), za period do 31.12.2024. godine, a najviše do **2.000,00 KM**, za samostalnu poduzetničku djelatnost ili privredno društvo registrovano u tekućoj 2024. godini.

Napomena: Zainteresirani aplikanti mogu se prijaviti za jedan ili više oblika podrške, navedenih u okviru gornje tačke II-1. (a-d) ovog Javnog poziva, s tim da ukupan iznos obračunate podrške po svim oblicima podrške za koju su se prijavili ne može biti veći **od 2.500,00 KM**.

Aplikantima koji ispunjavaju uslove ovog Javnog poziva utvrđeni iznos sredstava bit će dodatno uvećan ukoliko ispunjavaju sljedeće kriterije:

- e) Privatnim preduzećima i samostalnim poduzetničkim djelatnostima čiji vlasnik/direktor pripada kategoriji „mladih“, starosti od 18-35 godina, prethodno navedeni iznosi svakog pojedinačnog oblika podrške, kao i maksimalan, ukupan iznos podrške, uvećavaju se za 10%.
- f) Privatnim preduzećima i samostalnim poduzetničkim djelatnostima čiji je vlasnik/direktor „žena“, prethodno navedeni iznosi svakog pojedinačnog oblika podrške, kao i maksimalan, ukupan iznos podrške, uvećavaju se za 5%.
- g) Ukoliko subjekat pripada objema kategorijama korisnika navedenih u podtačkama **e. i f.**, u okviru tačke **II-1.** ovog Javnog poziva, predviđena uvećanja svakog od pojedinačnih iznosa podrške, kao i maksimalnog, ukupnog iznosa podrške, se sabiraju.

II-2. Oblici podrške na koje se mogu prijaviti subjekti registrovani u 2023. godini na području grada Tuzle:

- a) Refundiranje/finansiranje troškova obaveznih doprinosa za PiO i zdravstveno osiguranje i osiguranje od nezaposlenosti za vlasnika registrovane samostalne poduzetničke djelatnosti u 2023. godini, za obaveze u periodu od 1.1. do 31.12.2024. godine, a najviše do **1.200,00 KM**.
- b) Sufinansiranje nabavke neophodne opreme i sredstava za rad subjekta, u visini do 49% vrijednosti nabavljene opreme, a najviše **do 1.200,00 KM**, za samostalnu poduzetničku

djelatnost ili privredno društvo, registrovane u 2023. godini. Sredstva i oprema mora biti nova, odnosno nekorištena i nabavljena u 2024. godini.

- c) Sufinansiranje do 50% troškova zakupa poslovnog prostora u kojem subjekt obavlja registrovanu djelatnost, za obaveze u periodu od 1.1. do 31.12.2024. godine, u iznosu **do 1.200,00 KM**, za samostalnu poduzetničku djelatnost ili privredno društvo, registrovane u 2023. godini.
- d) Sufinansiranje/finansiranje troškova ugovorenih poslovnih usluga (računovodstvenih, pravnih, usluga marketinga, informatičkih, finansijskih i sl.), za obaveze u periodu od 1.1.2024. do 31.12.2024. godine, u iznosu **do 1.200,00 KM**, za samostalnu poduzetničku djelatnost ili privredno društvo registrovano u 2023. godini.

Napomena: Zainteresirani aplikanti mogu se prijaviti za jedan ili više oblika podrške, navedenih u okviru gornje tačke II-2. (a-d) ovog Javnog poziva, s tim da ukupan iznos obračunate podrške po svim oblicima podrške za koju su se prijavili, ne može biti veći **od 1.500,00 KM**.

Aplikantima koji ispunjavaju uslove ovog Javnog poziva, utvrđeni iznos sredstava bit će dodatno uvećan ukoliko ispunjavaju sljedeće kriterije:

- e) Privatnim preduzećima i samostalnim poduzetničkim djelatnostima čiji vlasnik/direktor pripada kategoriji „mladih“, starosti od 18-35 godina, prethodno navedeni iznosi svakog pojedinačnog oblika podrške, kao i maksimalan, ukupan iznos podrške, uvećavaju se za 10%.
- f) Privatnim preduzećima i samostalnim poduzetničkim djelatnostima čiji je vlasnik/direktor „žena“, prethodno navedeni iznosi svakog pojedinačnog oblika podrške, kao i maksimalan, ukupan iznos podrške, uvećavaju se za 5%.
- g) Ukoliko subjekat pripada kategoriji korisnika navedenih u podtačkama **e. i f.**, u okviru tačke **II- 2.** ovog Javnog poziva, predviđena uvećanja svakog od pojedinačnih iznosa podrške, kao i maksimalnog, ukupnog iznosa, se sabiraju.

III Pravo učešća

Pravo učešća u ovom Javnom pozivu za dodjelu sredstava na ime novčane podrške privatnim preduzećima i poduzetnicima, po Projektu “Siguran start”, mogu ostvariti samostalne poduzetničke djelatnosti u osnovnom zanimanju i privredna društva u privatnom vlasništvu, koji su:

- registrovali poslovnu djelatnost na području grada Tuzle u 2024. godini (novoregistrovani subjekti),
- registrovali poslovnu djelatnost na području grada Tuzle u 2023. godini.

Aplikanti iz prethodnog stava će biti isključeni iz učešća u ovom Javnom pozivu ili iz daljeg postupka dodjeljivanja sredstava na ime novčane podrške, ako su u trenutku raspisivanja ovog Javnog poziva:

- krivi za davanje lažnih informacija u prijavnim obrascu, koje su preduslov za učestvovanje u pozivu za novčanu podršku ili ako nisu dostavili potrebne informacije,

- kao fizička lica, u prethodne tri godine imali registrovanu djelatnost u osnovnom zanimanju ili privredno društvo, na području grada Tuzle (odnosi se samo na subjekte koji apliciraju za podršku na ime novoregistrovane djelatnosti u 2024. godini),
- kao odgovorno lice u privrednom društvu u prethodne tri godine imali registrovanu djelatnost ili privredno društvo, na području grada Tuzle (odnosi se samo na subjekte koji apliciraju za podršku na ime novoregistrovane djelatnosti u 2024. godini),
- imaju neizmirenih obaveza iz prethodno sklopljenih ugovora o odobravanju novčane podrške iz sredstava Budžeta Grada Tuzle.

Ispunjavanje navedenih kriterija aplikanti dokazuju ovjerenom izjavom koju predaju uz prijavu na ovaj Javni poziv, na propisanom obrascu Izjave.

Za dodjelu novčane podrške putem ovog Javnog poziva ne mogu aplicirati subjekti koji imaju status javne ustanove ili javnog preduzeća, neprofitne organizacije ili drugi subjekti u vlasništvu bilo kojeg nivoa vlasti u Bosni i Hercegovini.

IV Način prijavljivanja

Prijave na ovaj Javni poziv podnose se na prijavnom obrascu koji je propisala Služba za ekonomski razvoj, poduzetništvo i poljoprivredu Grada Tuzle.

Prijavni obrazac sa izjavom, koji je u prilogu ovog Javnog poziva, može se preuzeti na službenoj internet stranici Grada Tuzle (www.grad.tuzla.ba), kao i u Centru za pružanje usluga građanima (Pisarnica Grada Tuzle).

Uz popunjen Prijavni obrazac, aplikant je obavezan dostaviti sljedeću dokumentaciju:

1. dokaz o registraciji firme na području grada Tuzle (kopija rješenja Službe za ekonomski razvoj, poduzetništvo i poljoprivredu za samostalne poduzetničke djelatnosti, a za privredna društva kopija rješenja o upisu u sudski registar),
2. obavijest o razvrstavanju prema djelatnosti, izdanu od Zavoda za statistiku (kopija),
3. dokaz o otvorenom računu u poslovnoj banci na koji će sredstva biti uplaćena (kopija),
4. karton deponovanih potpisa osoba ovlaštenih za zastupanje (kopija),
5. uvjerenje nadležne Porezne uprave Tuzla o izmirenim dospjelim poreznim obavezama kao i obavezama po osnovu PIO/MIO, da nije starije od 30 dana od dana podnošenja prijave na ovaj Javni poziv (original ili ovjerena kopija). **Napomena: ovo Uvjerenje ne trebaju prilagati firme koje su prijavile početak rada kod nadležne Porezne uprave Tuzla najviše do 30 dana prije apliciranja na ovaj Javni poziv.**
6. uvjerenje o uredno izmirenim obavezama po osnovu indirektnih poreza, izdano od Uprave za indirektno oporezivanje, ukoliko je prijavljeni učesnik obveznik plaćanja PDV-a, a za prijavljene učesnike koji nisu u sistemu PDV-a, prilaže se uvjerenje Uprave za indirektno oporezivanje da nisu u sistemu PDV-a. Uvjerenja ne mogu biti starija od 30 dana od dana podnošenja prijave na ovaj Javni poziv (original ili ovjerena kopija),

7. izjava fizičkog lica, vlasnika samostalne poduzetničke djelatnosti, odnosno izjava odgovornog lica u pravnom licu, ovjerena u Centru za pružanje usluga građanima (Pisarnica Grada Tuzle) ili u nadležnom notarskom uredu, kojom će se potvrditi:
- da nije osuđivan i da se ne vodi postupak po osnovu privrednog kriminala fizičkog lica-vlasnika samostalne poduzetničke djelatnosti, odnosno odgovornog lica u pravnom licu,
 - da kao fizičko lice, vlasnik samostalne poduzetničke djelatnosti u prethodne tri godine nije imao registrovanu djelatnost u osnovnom zanimanju ili privredno društvo, na području grada Tuzle (**ovo se odnosi samo na subjekte koji apliciraju za podršku kao novoregistrovani subjekti u 2024. godini**),
 - da kao odgovorno lice u privrednom društvu u prethodne tri godine nije imao registrovanu samostalnu djelatnost ili privredno društvo, na području grada Tuzle (**ovo se odnosi samo na subjekte koji apliciraju za podršku kao novoregistrovani subjekti u 2024. godini**),
 - da će sredstva utrošiti za namjenu za koju će biti odobrena,
 - da je saglasan da u slučaju nepoštivanja odredbi Pravilnika i Programa utroška sredstava, u narednih pet godina neće moći sudjelovati u bilo kojem programu podrške privrednim subjektima koji se realizuje iz Budžeta Grada Tuzle.

(Obrazac Izjave iz podtačke 7. ovog Javnog poziva je sastavni dio Prijavnog obrasca i u prilogu je istog),

8. Lista za provjeru dostavljene dokumentacije.

V Provjera aplikacija (prijava)

Postupak dodjele sredstava na ime novčane podrške privatnim preduzećima i poduzetnicima, u smislu ovog ovog Javnog poziva provodi Komisija za ocjenu prijava (u daljem tekstu: Komisija), koju imenuje Pomoćnik Gradonačelnika za Službu za ekonomski razvoj, poduzetništvo i poljoprivredu Grada Tuzle. Komisiju čine predsjednik i dva člana. Komisija će sukcesivno nakon objave Javnog poziva vršiti pregled i ocjenu zaprimljenih prijava te će po okončanju prijema prijava i postupka ocjenjivanja zaprimljenih prijava sačiniti listu o odabiru korisnika. Lista o odabiru korisnika mora sadržavati subjekte koji su ispunili uslove javnog poziva sa predloženim iznosom sredstava, kao i subjekte koji nisu ispunili uslove javnog poziva sa naznakom koji uslov nije ispunjen. Lista o odabiru korisnika se objavljuje na službenoj internet stranici Grada Tuzle (www.grad.tuzla.ba) i na oglasnoj ploči Grada Tuzle.

Komisija zadržava pravo da u postupku odlučivanja od aplikanata traži dodatna pojašnjenja u vezi zaprimljene prijave na javni poziv, kao i da izvrši kontrolu na licu mjesta.

Nakon okončanja postupka Komisija o svom radu sačinjava zapisnik koji zajedno sa listom o odabiru korisnika sa predloženim iznosom novčane podrške dostavlja Službi za ekonomski razvoj, poduzetništvo i poljoprivredu Grada Tuzle.

Prilikom odobravanja pojedinačnog iznosa podrške po korisniku, ukoliko ukupan iznos odobrene podrške bude veći od iznosa planiranih sredstava Komisija će proporcionalno umanjiti pojedinačno odobrene iznose podrške svim korisnicima, u jednakom procentu, kako bi se uskladio iznos

odobrene podrške sa iznosom raspoloživih sredstava za raspodjelu.

Na osnovu izvještaja o radu Komisije i Liste o odabiru korisnika Služba za ekonomski razvoj, poduzetništvo i poljoprivredu će donijeti program raspodjele sredstava.

Program raspodjele sredstava će se objaviti na službenoj internet stranici Grada Tuzle (www.grad.tuzla.ba).

Detaljni uslovi korištenja sredstava na ime dodijeljene novčane podrške regulisat će se ugovorom koji će u ime Grada Tuzle sa odabranim korisnicima zaključiti Služba za ekonomski razvoj, poduzetništvo i poljoprivredu.

VI Trajanje javnog poziva i podnošenje aplikacija (prijava)

Javni poziv je otvoren 21 dan od dana objave, tako da je **zadnji rok za predaju prijave, dana 14.8.2024. godine.**

Prijave na ovaj Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (Pisarnice Grada Tuzle) ili preporučeno poštom na adresu:

Bosna i Hercegovina
GRAD TUZLA
Služba za ekonomski razvoj, poduzetništvo i poljoprivredu
Ul. ZAVNOBIH-a broj 11, 75000 Tuzla

sa naznakom:

**Prijava za učešće u Programu raspodjele sredstava iz Budžeta Grada Tuzle za 2024. godinu namijenjenih za podršku privatnim preduzećima i poduzetnicima po Projektu “Siguran start”
- ne otvarati –**

Također, na prijavi (koverti), ispod prethodno navedenog teksta, obavezno treba naznačiti za koju liniju podrške aplicirate:

- za podršku novoregistrovanih subjekata koji su registrovani u 2024. godini na području grada Tuzle ili
- za podršku subjekata koji su registrovani u 2023. godini na području grada Tuzle.

Nepotpune i neblagovremene prijave neće se uzeti u razmatranje.

Za sve dodatne informacije o načinu i postupku učešća u ovom Javnom pozivu možete se obratiti Službi za ekonomski razvoj, poduzetništvo i poljoprivredu Grada Tuzle, putem telefona: 035/307-380, 307-383 i 307-387.